

**Tunngaviusumik killeqarfimmit 3 sɔmilit avataanni aalisarnermi atortut
nalunaaqutsersorneqartarneri.**

Kalaallit Nunaata aalisarnikkut oqartussaaffigisaani tunngaviusumik killeqarfimmit 3 sɔmilit avataanni aalisarnermi atortut uninngaannartut ima nalunaaqutsersorneqassapput:

Aalisarnermik atortut kisaqqasut

1) Qalut, allunaasat aamma aalisarnermik atortut allat kisaqqasut isui puttasumik erfalasortalimmik imaluunniit radarip qinngornerinik qinngualasortalinnik ulluklut peqartinneqartassapput unnuakkullu atortup inissisimaffianik siassimaneranillu pisarialimmik takuneqarsinnaasunngorlugit nalunaaqutsersuutitut atorneqartussanik puttaqutinik qullilinnik peqartinneqassallutik. Aalisarnermi nalunaaqutsiussat qaamaneri FL.Y-5s-iussapput, tassa imaappoq sekundit tallimakkaarlugit sungaartumik ataasarlutik qaammaallattassapput (0,3 s qaamasarlutik, 4,7 s qaminngasarlutik) minnerpaamillu 2 sɔmilit iluanni isorartutigisumi takuneqarsinnaassallutik.

2) Ulluunerani aalisarnermik atortut taamaattut isuini puttaqut piniutit isuanniittoq killeq (imatut paasineqassaaq pujorsiutip ammalortortaata affaa kujammut sammisumiit kitaanut avannamullu sammisua) marlunnik erfalasulerneqarsimassaaq, appaa erfalasup qulaani imaluunniit erfalasooq ataaseq aammalu radarip qinngornerinik qinngualasartoq, kangumullu isuani (taanna paasineqassaaq pujorsiutip ammalortortaata affaa avannamiit kangianut taavalu kujammut sammisua) puttaqut piniutit isuanniittoq erfalasooqassaaq ataatsimik imaluunniit radarip qinngornerinik qinngualasulik. Piniutit isuanniittoq killeq unnuklut sungaartunik marlunnik qaamanermut akisuttartoqassaaq marlunnillu sungaartunik qulleqassalluni kiisalu kangilleq marlunnik sungaartumik qaamanermut akisuttartoqassaaq sungaartumillu qaamaneqarluni. Tamatuma saniatigut puttaqut ataaseq ataatsimik ulluunerani erfalasulerneqarsinnaavoq imaluunniit radarip qinngornerinik qinngualasoqarsinnaalluni, aamma aalisarnermi atortup sumut sammivianik ilisimatitsiniarluni puttaqutit 70-100 meterikkaarlugit unnuakkut sungaartumik qaamanermut akisuttartumik qullermillu sungaartumik qullilerneqarsinnaallutik.

3) Aalisarnermut atortut nalunaaqutsersuutaatut erfalasut atorneqartut aappaluttooqqusaanngillat imaluunniit qorsorpaluttooqqusaanngillat.

4) Aalisarnermik atortut sɔmilimik ataatsimik takinerusumik takissusillit, sɔmilimik ataatsimik takinerpaaffilersukkanik akunnequserarlugit puttaqusersorneqassapput, taamaalilluni aalisarnermik atortut sɔmilimik ataatsimik takinerusumilluunniit takissusillit arlaannaalluunniit nalunaaqutsinngitsoorneqarsimassanngillat. Puttaqutit tamarmik ulluunerani erfalasulerneqassapput imaluunniit radarip qinngornerinik qinngualasoqassallutik, aamma puttaqutit sapinngisamik amerlanersaat qaamanermut akisuttartumik sungaartumik qullermillu sungaartumik unnuaanerani qullilersorneqartassapput. Qanorluunniit

pisoqaraluarpat aalisarnermik atortup qullii marluk akunnerat 2 sømilit qaangersimassanngilaat.


5) Aalisarnermik atortuni/piniutini aalisariummut aalajangerneqarsimasuni, atortup/piniutip isuani aalisariummut aalajangerneqarsimasumi puttaquteqarnissaq piunasaqaataannngilaq.

6) Puttaqutit napasortaam minnerpaamik puttaqutip qulaatungaani 2 meterinik portussuseqassaaq.

Atortut saavittut

1) Allunaasat saatersut isuminni tamani nalunaaqutserneqarsimassapput puttaquteqassallutillu napasortalimmik puttaqutip qulaatungaani 2 meterinik minnerpaamik portussusilimmik 2 sømilit sinnerlugit akuttutiginnitsunik. Nappaqut ulluunerani erfalasulernerqartassaaq imaluunniit radarip qinngornerinik qinngualasortaqaassalluni aamma unnuakkut qaamanermut akisuttartumik sungaartumik qullermillu sungaartumik qulleqassalluni, taanna isikkivigittumi minnerpaamik 2 sømilitut ungasissulimmiit takuneqarsinnaassaaq.

2) Aalisarnermik atortuni/piniutini aalisariummut aalajangerneqarsimasuni, atortup/piniutip isuani aalisariummut aalajangerneqarsimasumi puttaquteqarnissaq piunasaqaataannngilaq.



Takussutissiaq 1: Tunngaviusumik killeqarfimmiit 3 sømil avataani aalisarnermi atortut nalunaaqutsersimanissaanut assersuutit eqqortut.